

ՊԱՅՄԱՆԱԳԻՐ N ԵԴ - 25 2023

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐԸԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«14» «08» 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հ. Հակոբյանի, որը գործում է պետական մարմնի կանոնադրության հիման վրա, մի կողմից, և «Տարածքային զարգացման և հետազոտությունների կենտրոն» հասարակական կազմակերպությունը (այսուհետ՝ կազմակերպություն), ի դեմս կազմակերպության նախագահ Մ. Բաղդեյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2022 թվականի դեկտեմբերի 29-ի «ՀՀ 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ որոշում) և Հայաստանի Հանրապետության կրթության, գիտության մշակույթի և սպորտի նախարարի 2023 թվականի հունիսի 14-ի N 886-Ա/2 հրամանով հաստատված «Երիտասարդության շրջանում բնակչության պաշտպանության և աղետների ռիսկի կառավարման կարողությունների զարգացում, առկա հնարավորությունների վերաբերյալ տեղեկատվության տարածում, առաջին օգնության ցուցաբերման հմտությունների վերաբերյալ գործնական և տեսական դասընթացների և վարժանքների կազմակերպում և համանման նախաձեռնությունների խրախուսում» միջոցառման շրջանակներում դրամաշնորհի հատկացման մրցույթի հանձնաժողովի 2023 թվականի հուլիսի 24-ին կայացած նիստի թիվ N° 04/23 արձանագրությունը և 2023 թվականի օգոստոսի 3-ին կայացած նիստի թիվ N° 05/23 արձանագրությունը, որոշման «1115. Երիտասարդության ծրագիր» ծրագրի «11001. Երիտասարդական պետական քաղաքականությանն ուղղված ծրագրեր և միջոցառումներ» միջոցառման (տող՝ «Երիտասարդության շրջանում բնակչության պաշտպանության և աղետների ռիսկի կառավարման կարողությունների զարգացում, առկա հնարավորությունների վերաբերյալ տեղեկատվության տարածում, առաջին օգնության ցուցաբերման հմտությունների վերաբերյալ գործնական և տեսական դասընթացների և վարժանքների կազմակերպում և համանման նախաձեռնությունների խրախուսում») շրջանակներում՝ «Առաջին օգնության և անձնական անվտանգության հմտությունների զարգացում Գեղարքունիքի մարզի երիտասարդության շրջանում» ծրագրի (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

**1. ՊԱՅՄԱՆԱԳՐԻ ԱՌԱՐԿԱՆ ԵՎ ԳԻՆԸ**

1.1. Սույն պայմանագրով պետական մարմինը պարտավորվում է ծրագրի իրականացման նպատակով պայմանագրի 5.1-ին կետով սահմանված կարգով կազմակերպությանը հատկացնել որոշմամբ նախատեսված գումարից 2667.6 հազար (երկու միլիոն վեց հարյուր վաթսույոթ հազար վեց հարյուր) դրամ՝ համաձայն Հավելված N 2-ի, իսկ կազմակերպությունը պարտավորվում է ծրագիրն իրականացնել պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի

ավելված N 1-ում, իսկ ՀՀ օրենսդրությամբ սահմանված դրամաշնորհային ծրագիրը՝  
ավելված N 5-ում:

## 2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

### 2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ սույն պայմանագրով սահմանված կարգով և ժամկետներում չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կատարողի կողմից սույն պայմանագրով նախատեսված ծրագրի ոչ ֆինանսական ցուցանիշների թերակատարման դեպքում համապատասխան չափով նվազեցնել ֆինանսավորումը,

2.1.6. սույն պայմանագիրը ՀՀ օրենսդրությամբ կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ ծրագրի արդյունքները:

### 2.2. Կազմակերպությունն իրավունք ունի՝

2.2.1. իրականացված ծրագրի արդյունքը պետական մարմնի կողմից ընդունվելու դեպքում պահանջելու վճարել իրեն հասանելիք գումարը,

2.2.2. իրականացված ծրագրի արդյունքը պետական մարմնի կողմից ընդունվելու դեպքում պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.3. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

### **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.3. իրականացնել ծրագրով նախատեսված այլ աշխատանքներ,

2.3.4. իրականացված ծրագրի մասին ներկայացված կատարողական հաշվետվությունների վերաբերյալ համապատասխան որոշում ընդունել սույն պայմանագրի 4.2-րդ կետում նշված ժամկետում: Եթե ներկայացված հաշվետվությունների համաձայն իրականացված ծրագիրը համապատասխանում է սույն պայմանագրի պահանջներին, ապա դրանք ընդունվում են:

### **2.4. Կազմակերպությունը պարտավոր է՝**

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով,

2.4.2. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.4. իրականացնել ծրագրի շրջանակներում պետական մարմնի կողմից տրամադրված գումարների՝ Հայաստանի Հանրապետության գործող օրենսդրությանը համապատասխան հաշվառում,

2.4.5. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.6. պետական մարմնի կողմից ծրագրի իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.7. հրապարակել պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության,

մանսավորման չափի և վերջինիս հետ ձեռք բերված այլ պայմանավորվածությունների մասին,

2.4.8. սույն պայմանագրից բխող ծրագիրը չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 1.1-ին կետում նախատեսված գումարի 5.0 (հինգ) տոկոսի չափով,

2.4.9. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» ՀՀ օրենքով սահմանված կարգով՝ պետության կարիքների համար կատարվող գնումների կանոններին համապատասխան,

2.4.10. սույն պայմանագրի 7.1-ին կետով սահմանված ժամկետներում պետական մարմնին ներկայացնել հաշվետվություններ (ֆինանսական և բովանդակային) կատարված ծախսերի և իրականացված միջոցառումների մասին: Ֆինանսական հաշվետվությունը ներկայացվում է սույն պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ և վերջինս պատասխանատվություն է կրում ֆինանսական հաշվետվությամբ ներկայացված տվյալների իսկության համար, իսկ բովանդակայինը՝ ամբողջական տեղեկատվություն ծրագրի իրականացման և ընթացքի մասին, այդ թվում՝ արդյունքների գնահատումը, մասնակիցների քանակը, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.4.11. սույն պայմանագրով սահմանված ծրագրի իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե:

### 3. ՄՈՆԻԹՈՐԻՆԳԸ

3.1. Պետական մարմինը ծրագրի իրականացման արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

### 4. ՊԱՅՄԱՆԱԳՐԻ ԱՐԴՅՈՒՆՔԻ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

4.1. Սույն պայմանագրի արդյունքն ընդունվում է պետական մարմնի և կազմակերպության միջև հանձնման-ընդունման ակտի ստորագրմամբ:

Մինչև սույն պայմանագրով ստանձնված պարտավորությունների կատարման համար նախատեսված օրը ներառյալ կազմակերպությունը armeps էլեկտրոնային համակարգի միջոցով (գործողության իրականացման ձեռնարկը տեղադրված է [www.minfin.am](http://www.minfin.am) հասցեով գործող կայքի «Դրամաշնորհներ» բաժնի «Ուղեցույցներ, ձեռնարկներ» ենթաբաժնում) պետական մարմնին է տրամադրում իր կողմից ստորագրված՝ հանձնման-ընդունման ակտը

ավելված N 4) և հաշվետվությունը: Ընդ որում կազմակերպությունը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին:

4.2. Եթե իրականացված ծրագիրը համապատասխանում է սույն պայմանագրի պայմաններին, պետական մարմինը պայմանագրի 4.1-ին կետում նշված փաստաթղթերը ստանալու օրվան հաջորդող աշխատանքային օրվանից հաշված 5 աշխատանքային օրվա ընթացքում ստորագրում և armeps էլեկտրոնային համակարգի միջոցով կազմակերպության է տրամադրում իր կողմից ստորագրված հանձնման-ընդունման ակտը:

4.3. Եթե իրականացված ծրագիրը կամ դրա մի մասը չի համապատասխանում սույն պայմանագրի պայմաններին, ապա պետական մարմինը չի ստորագրում հանձնման-ընդունման ակտը և սույն պայմանագրի 4.2-րդ կետում նշված ժամկետում armeps էլեկտրոնային համակարգի միջոցով կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում պետական մարմինը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է սույն պայմանագրով նախատեսված պատասխանատվության միջոցներ:

4.4. Եթե սույն պայմանագրի 4.2-րդ կետով սահմանված ժամկետում պետական մարմինը չի ընդունում սույն պայմանագրի 4.1-ին կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և սույն պայմանագրի 4.2-րդ կետով սահմանված վերջնաժամկետին հաջորդող աշխատանքային օրը պետական մարմինը armeps էլեկտրոնային համակարգի միջոցով կազմակերպության է տրամադրում իր կողմից ստորագրված հանձնման-ընդունման ակտը:

## 5. ՎՃԱՐՄԱՆ ԿԱՐԳԸ ԵՎ ԺԱՄԿԵՏՆԵՐԸ

5.1. Սույն պայմանագրի 1.1-ին կետում սահմանված գումարի 80%-ը կազմակերպությանը հատկացվում է սույն պայմանագրի կնքումից հետո, իսկ 20%-ը՝ սույն պայմանագրի 4.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

5.2. Համաձայն «ՀՀ 2023 թվականի պետական բյուջեի մասին» օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2023 թվականի ընթացքում ենթակա են վերադարձման ՀՀ պետական բյուջե:

5.3. Սույն պայմանագրի 1.1-ին կետում նշված գումարի չափը կարող է փոփոխվել սույն պայմանագրով, ինչպես նաև Հայաստանի Հանրապետության օրենսդրությամբ սահմանված հիմքերով ու կարգով:

## 6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմինն վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված

ումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, սույն կետով սահմանված տույժերը վերաբերում են պետական մարմնին ներկայացվող ինչպես ֆինանսական, այնպես էլ՝ բովանդակային հաշվետվություններից յուրաքանչյուրին:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել ծրագրի իրականացման արդյունքում կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով՝ սույն պայմանագրի չկատարված մասի գնի նկատմամբ:

6.5. Պետական մարմնի կողմից սույն պայմանագրի 4.2-րդ կետով նախատեսված ժամկետի խախտման դեպքում պետական մարմնի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.7. Տույժերի և (կամ) տուգանքի վճարումը կողմերին չի ազատում իրենց պայմանագրային պարտավորությունները լրիվ կատարելուց:

## 7. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

7.1. Սույն պայմանագրով նախատեսված ծրագրի կատարման ժամկետը 2023 թվականի նոյեմբերի 14-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացուցային օրը, սակայն ոչ ուշ, քան 2023 թվականի դեկտեմբերի 5-ը:

7.2. Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

7.3. Սույն պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

## 8. ԱՆՀԱՂԹԱՀԱՐԵԼԻ ՈՒԺԻ ԱՂԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Սույն պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

## 9. ԵՐԱՓԱԿԻՉ ԴՐՈՒՅԹՆԵՐ

9.1. Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ մրցույթի գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս հաղթող կազմակերպություն ճանաչելու մասին որոշումը չի համապատասխանում սույն կարգի պահանջներին, ապա այդ հիմքերն ի հայտ գալուց հետո պետական մարմինը միակողմանի լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում, Հայաստանի Հանրապետության օրենսդրության համաձայն, հիմք կհանդիսանային պայմանագիրը չկնքելու համար: Ընդ որում՝ պետական մարմինը չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով պետական մարմնի կրած վնասներն այն ծավալով, որի մասով պայմանագիրը լուծվել է:

9.2. Կազմակերպության կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը պետական մարմինը հրապարակում է իր պաշտոնական՝ [www.escs.am](http://www.escs.am) կայքում՝ նշելով հրապարակման ամսաթիվը: Կազմակերպությունը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրը միակողմանի լուծելու մասին ծանուցումը սույն կետում նշված կայքում հրապարակվելու օրը պետական մարմինը այն ուղարկում է նաև կազմակերպության էլեկտրոնային փոստին:

9.3. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.4. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.5. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

## 10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

**ՊԵՏԱԿԱՆ ՄԱՐՄԻՆ**  
«Կրթության, գիտության, մշակույթի  
և սպորտի նախարարություն  
Երևան, Վ. Սարգսյան 3, Կառավարական տուն N 2  
«ՖՆ գործառնական վարչություն  
Հ/Հ 900011032472, ՀՎՀՀ 02698732

Գլխավոր քարտուղար՝  
**Հ. Հակոբյան**  
Կնիորագրություն/  
Կ.Տ.



**Կ Ա Չ Մ Ա Կ Ե Ր Պ ՈՒ Թ Յ ՈՒ Ն**  
«Տարածքային զարգացման և  
հետազոտությունների կենտրոն» ՀԿ  
Գեղարքունիքի մարզ, ք. Սևան, Նաիրյան 164  
[satik.badeyan@gmail.com](mailto:satik.badeyan@gmail.com)  
բանկ՝ «Արդշինբանկ» ՓԲԸ  
Հ/Հ 2477203453280050, ՀՎՀՀ 08611805

Հեռ.՝ 091-159-272  
Կնիորագրող  
**Մ. Բադեյան**  
Կնիորագրություն/  
Կ.Տ.



**Մ Ի Զ Ո Ց Ա Ռ ՈՒ Մ Ն Ե Ր**

Մեկնումը		Նկարագիր	Դրամաշտրի միջոցների հաշվին իրականացվող միջոցառման կողմից կատարման ենթակա գործողությունները	Ավելավոր արդյունքները և դրանց գնահատման չափանիշները	Միջոցառման իրականացման կարգն ու ժամկետը	Պահանջվող գումարը (դրամ)
NN Շ/4	1.	«Առաջին օգնության և անձնական անվտանգության» թեմայով դասընթաց երիտասարդների համար: Գործնական փուլում կազմակերպվելու է վարժանք՝ իրականին մոտ պայմաններում:	Երիտասարդներից խմբերի ձևավորում, դասընթացի կազմակերպում և իրականացում:	Գեղարքունիքի մարզի 60 երիտասարդ անցել է 6-օրյա տեսական և գործնական ուսուցում «Առաջին բուժօգնություն և անձնական անվտանգություն» թեմաներով՝ վերջնական ստուգարքի արդյունքում գրանցելով ավելի քան 80% առաջադիմություն:	05.12.2023թ.	2 223.0
Ընդամենը						2 223.0
ԱԱՀ						444.6
Ամբողջը						2667.6

**Պ Ե Տ Ա Կ Ա Ն Մ Ա Ր Մ Ի Ն**  
 ՀՀ կրթության, գիտության, մշակույթի և սպորտի նախարարություն  
 Երևան, Վ. Սարգսյան 3, Կառավարական տուն N 2  
 ՀՀ ՖՆ գործառնական վարչություն  
 Հ/Հ 900011032472, ՀՎՀՀ 02698732  
 Գլխավոր քարտուղար՝  
 Հ. Հակոբյան  
 020873-ԱԿԿ  
 Կ.Տ. Կ.Տ.

**Կ Ա Ջ Մ Ա Կ Ե Ր Պ ՈՒ Թ Յ ՈՒ Ն**  
 «Տարածքային զարգացման և հետազոտությունների կենտրոն» ՀԿ  
 Գեղարքունիքի մարզ, ք. Սևան, Լաիրյան 164  
 satik.badeyan@gmail.com, Հեռ.՝ 091-159-272  
 Բանկ՝ «Արշինբանկ» ՓԲԸ  
 Հ/Հ 2477203453280050, ՀՎՀՀ 08611805  
 ՀԿ նախագահ՝  
 Մ. Բաղդյան  
 /ստորագրություն/ Կ.Տ.





**Ֆ Ի Ն Ա Ն Ս Ա Կ Ա Ն Ն Ա Խ Ա Հ Ա Շ Ի Կ**

**Դրամաշնորհառու  
 Ծրագրի անուն  
 հմտությունների  
 Ծրագրի տևողություն**

«Տարածքային զարգացման և հետազոտությունների կենտրոն» ՀԿ  
 «Առաջին օգնության և անձնական անվտանգության  
 զարգացում Գեղարքունիքի մարզի երիտասարդության շրջանում»  
 14.08.2023թ-14.11.2023թ.

Հ/Հ	Բյուջեի տողի նկարագրական	Միավոր	Միավորի քանակ	Միավորի արժեք (ՀՀ դրամ)	Պահանջվող գումար (հազ. դրամ)
Ա	<b>Աշխատավարձ (ներառյալ հարկերը)*</b>				
1.1	Ծրագրի համակարգող	ամիս	3	75000	225.0
1.2	Դասընթացավար	ժամ	108	3500	378.0
<b>Ընդամենը Ա</b>					<b>603.0</b>
Բ	<b>Ծրագրային ծախսեր</b>				
2.1	Դասընթացի մասնակիցների սննդի կազմակերպման ծառայություն՝ սննդի կազմակերպում՝ 60 մասնակից x 6օր x 3000 դրամ=1080000դրամ սուրճի ընդմիջում՝ 60 մասնակից x 6օր x 1500 դրամ=540000դրամ	հատ	1	1620000	1620.0
<b>Ընդամենը Բ</b>					<b>1620.0</b>
<b>Ընդամենը</b>					<b>2223.0</b>
<b>ԱԱՀ**</b>					<b>444.6</b>
<b>Ամբողջը</b>					<b>2667.6</b>

\* Ծախսերը պետք է իրականացվեն բացառապես ՀՀ աշխարհային օրենսգրքով և սահմանված կարգով  
 \*\* ԱԱՀ-ի գծով լրացուցիչ հարկացումները՝ որպես հարկային պարտավորություն, ենթակա են վճարման Կազմակերպության կողմից որպես ԱԱՀ՝ հակառակ դեպքում ենթակա են վերադարձման ՀՀ պետական բյուջե

**Պ Ե Տ Ա Կ Ա Ն Մ Ա Ր Մ Ի Ն**

ՀՀ կրթության, գիտության, մշակույթի և սպորտի նախարարություն  
 Երևան, Վ. Սարգսյան 3, Կառավարական տուն N 2  
 ՀՀ ՖՆ գործառնական վարչություն  
 Հ/Հ 900011032472, ՀՎՀՀ 02698732  
 Գլխավոր քարտուղար՝  
**Շ. Հակոբյան**  
 /ստորագրություն/ Կ.Տ.



**Կ Ա Ջ Մ Ա Կ Ե Ր Պ ՈՒ Թ Յ ՈՒ Ն**

«Տարածքային զարգացման և հետազոտությունների կենտրոն» ՀԿ  
 Գեղարքունիքի մարզ, ք. Սևան, Նաիրյան 164  
 satik.badeyan@gmail.com, Հեռ.՝ 091-159-272  
 քանկ՝ «Արդշինքանկ» ՓԲԸ  
 Հ/Հ 2477203453280050, ՀՎՀՀ՝ 08611805  
 ՀԿ նախագահ՝  
**Մ. Բաղեյան**  
 /ստորագրություն/ Կ.Տ.



**Կազմակերպություն**

\_\_\_\_\_

գտնվելու վայրը \_\_\_\_\_

հհ \_\_\_\_\_

հվհհ \_\_\_\_\_

**Պետական մարմին**

\_\_\_\_\_

գտնվելու վայրը \_\_\_\_\_

հհ \_\_\_\_\_

հվհհ \_\_\_\_\_

**ԱԿՏ N  
 ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ  
 ՀԱՆՁՆՄԱՆ-ԸՆԴՈՒՆՄԱՆ**

«   » «   » 20 թ.

Պայմանագրի \_\_\_\_\_ /այսուհետ՝ \_\_\_\_\_ Պայմանագիր/ \_\_\_\_\_ անվանումը՝

Պայմանագրի կնքման ամսաթիվը՝ «   » «   » 20 թ.

Պայմանագրի համարը՝ \_\_\_\_\_  
 Պետական մարմինը և կազմակերպությունը՝ հիմք ընդունելով պայմանագրի կատարման վերաբերյալ ներկայացված ---- հաշվետվությունը, կազմեցին սույն արձանագրությունը հետևյալի մասին.  
 Պայմանագրի շրջանակներում կազմակերպությունն իրականացրել է հետևյալ միջոցառումները՝

Իրականացված միջոցառման							
անվանումը	գործառույթի համառոտ նկարագիրը	արդյունքը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ պայմանագրի/
		ըստ պայմանագրի	փաստացի	ըստ պայմանագրի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և հաշվետվությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց  
 \_\_\_\_\_  
 ստորագրություն  
 \_\_\_\_\_  
 ազգանուն, անուն  
 Կ.Տ.

Ծառայությունն ընդունեց  
 \_\_\_\_\_  
 ստորագրություն  
 \_\_\_\_\_  
 ազգանուն, անուն  
 Կ.Տ.

ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ

Կատարող կազմակերպությունը \_\_\_\_\_  
 Ծրագրի անվանումը \_\_\_\_\_

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+/- դրամով)	Հոդվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

« \_\_\_\_\_ » \_\_\_\_\_ 2023 թ.

Կատարող կազմակերպության ղեկավարը

ՓԱՍՏԱԹՂԹԵՐՆ ԸՆԴՈՒՆԵՑ՝

\_\_\_\_\_/\_\_\_\_\_/ (անուն-ազգանուն) (ստորագրություն)

ՀՀ ԿԳՄՍ նախարարության պատասխանատու՝

Կատարող կազմակերպության գլխավոր հաշվապահ

\_\_\_\_\_/\_\_\_\_\_/ (անուն-ազգանուն) (ստորագրություն)

(անուն-ազգանուն) (ստորագրություն)

**«Երիտասարդության շրջանում բնակչության պաշտպանության և աղետների ռիսկի կառավարման կարողությունների զարգացում, առկա հնարավորությունների վերաբերյալ տեղեկատվության տարածում, առաջին օգնության ցուցաբերման հմտությունների վերաբերյալ գործնական եվ տեսական դասընթացների և վարժանքների կազմակերպում և համանման նախաձեռնությունների խրախուսում» դրամաշնորհային ծրագիր**

**Համառոտագիր**

Առաջարկվող ծրագրի նպատակն է զարգացնել Գեղարքունիքի մարզի 16-ից բարձր տարիքի ընդհանուր թվով 60 երիտասարդների՝ առաջին օգնության և անձնական անվտանգության հմտությունները՝ 6-օրյա տեսական և գործնական ուսուցումների միջոցով: Ուսուցումներն իրականացվելու են միջազգային ստանդարտներին համապատասխան օրինակելի պլանի հիման վրա, որը ներկայացված է այս ծրագրին կից: Դասընթացը բաղկացած է տեսական և գործնական մասերից: Գործնական մասում իրականացվելու է վարժանք իրականին մոտ պայմաններում, ինչի կազմակերպման համար առկա է անհրաժեշտ նյութատեխնիկական բազա:

Դասընթացների տեսական մասը կիրականացվի Սևան համայնքի Լճաշեն բնակավայրում, իսկ գործնական հատվածը կկազմակերպվի Սևան քաղաքի հանրային լողափում և Սևանի բուսաբանական այգու հարևանությամբ:

Դասընթացի մասնակիցների 50%-ը կներգրավվեն սահմանամերձ համայնքներից, իսկ մյուս 50%-ը Սևան համայնքի տարբեր բնակավայրերից: Դասընթացները կիրականացվեն վրանային ճամբարի կազմակերպման միջոցով: Ծամբարի աշխատանքների կազմակերպման համար կներգրավվեն 34-ի փորձառու անդամներն ու կամավորները:

Ծրագրի արդյունավետության գնահատման համար կիրականացվի նախա և հետուսումնական թեստավորում:

Ծրագրի արդյունքում կունենանք առաջին օգնության և անձնական անվտանգության զարգացած հմտություններ ունեցող 60 երիտասարդ՝ Գեղարքունիքի մարզի Սևան, Վարդենիս և Ծամբարակ համայնքներից:

Ծրագիրը կնպաստի նաև՝ մարզի տարբեր համայնքների երիտասարդների միջև կապերի հաստատմանը, հայրենաճանաչողությանը, մշակութային փոխանակմանը:

**Ծրագրի նկարագրություն**

Գաղտնիք չէ, որ Հայաստանում շատ մեծ է աղետների ռիսկը՝ պայմանավորված ինչպես սեյսմիկ անկայուն տարածաշրջանում գտնվելու, այնպես էլ ամեն օր սպառնացող պատերազմական իրավիճակի հանգամանքներով: Միևնույն ժամանակ ոչ ոք ապահովագրված չէ ցանկացած պահի հնարավոր պատահարների ռիսկից: Գաղտնիք չէ նաև, որ տուժածների մեծամասնությունը փրկվում են պատահարի պահին դեպքի վայրում գտնվող մարդկանց հմուտ գործողությունների արդյունքում:

Հետևաբար առաջին օգնության և անձնական անվտանգության հմտությունները կարևոր են ցանկացած մարդու համար: Բնականաբար բավարար չեն միայն տեսական գիտելիքները: Նման հմտությունները զարգանում են գործնական պարապմունքների միջոցով:

2020թ-ի ամռանը մեր կողմից իրականացրած դասընթացների մասնակից երիտասարդները ոչ միայն իրենք կենդանի վերադարձան քառասունչորսօրյա պատերազմից, այլև իրենց հմտությունների շնորհիվ կարողացան փրկել բազմաթիվ կյանքեր:

Այդուհետ այս ուղղությամբ երիտասարդների հմտությունների զարգացումը դարձել է մեր կազմակերպության գործունեության հիմնական ուղղություններից մեկը, ինչը իրականացնում ենք տարբեր թեմաներով ուսուցումներին զուգահեռ:

**Կազմակերպության փորձառությունը**

2023թ-ի մայիս-հունիս ամիսներին իրականացրել ենք «Առաջին օգնություն և առողջ ապրելակերպ» ծրագիրը՝ «Հասարակական առողջություն» հիմնադրամի հետ գործընկերությամբ: Մասնակիցների թիվը՝ 12, տարիքը՝ 16-40 տարեկան:

2020թ-ին իրականացվել են «Երիտասարդների մասնակցության խթանում սեփական բարեկեցության կերտմանը» (ԿԳՄՄՆ դրամաշնորհ 6 027 300 ՀՀ դրամ) և «Սևանն ափի մեջ» (ԵՄ, «Համայնքների ֆինանսիստների միավորում» ՀԿ, Ծովագյուղի համայնքապետարան- 7 260 200 ՀՀ դրամ): Նշված 2 ծրագրերի ընթացքում ընդհանուր թվով 25 երիտասարդ, ծրագրով նախատեսված այլ գործողությունների շարքում, անցել են նաև առաջին օգնության և համաճարակային իրավիճակում վարվեցողության կանոնների տեսական և գործնական ուսուցումներ:

**Ծրագրի նպատակը, խնդիրներն ու ակնկալվող արդյունքները**

Առաջարկվող ծրագրի նպատակն է զարգացնել Գեղարքունիքի մարզի ընդհանուր թվով 60 երիտասարդների՝ առաջին օգնության և անձնական անվտանգության հմտությունները՝ 6-օրյա տեսական և գործնական ուսուցումների միջոցով:

Ծրագրի արդյունքում՝

Գեղարքունիքի մարզի 60 երիտասարդ անցել է 6-օրյա տեսական և գործնական ուսուցում «Առաջին բուժօգնություն և անձնական անվտանգություն» թեմաներով՝ վերջնական թեստի արդյունքում գրանցելով ավելի քան 80% առաջադիմություն:

**ԱՇԽԱՏԱՆՔԱՑԻՆ ՊԼԱՆ**

Կազմակերպություն «Տարածքային զարգացման և հետազոտությունների կենտրոն» ՀԿ  
 Ծրագիր «Առաջին օգնության և անձնական անվտանգության հմտությունների զարգացում Գեղարքունիքի մարզի երիտասարդության շրջանում»  
 Ժամանակահատված «14» «օգոստոսի» 2023թ- «14» «նոյեմբերի» 2023թ

Հ/Հ	Գործողություն	Պատասխանատու	Ամիս		
			1	2	3
1	Ծրագրի իրականացման համար անհրաժեշտ պայմանագրի կնքում	ՀԿ Նախագահ			
2	Երիտասարդական խմբերի ձևավորում	Ծրագրի համակարգող			
3	Դասընթացների կազմակերպում և իրականացում	Ծրագրի փորձագետ			
4	Ծրագրի վերահսկում և գնահատում	ՀԿ Նախագահ			
5	Հաշվետվությունների կազմում և ներկայացում	Ծրագրի համակարգող			

**Ծրագրի շահառուները ու շահագրգիռ կողմերը**

Ծրագրի ուղղակի շահառուներն են Գեղարքունիքի մարզի 60 երիտասարդները, ովքեր անցնելու են ուսուցումներ: Շահագրգիռ կողմերն ու հետաքրքրված խմբերն են ՀԿ-ի անդամներն ու կամավորները, շահառու երիտասարդների ընտանիքներն ու հարազատները, կրթական և առողջապահական հաստատությունները, ՀՀ քաղաքացիներն ու բոլոր այն մարդիկ, ովքեր հնարավոր արտակարգ իրավիճակներում կստանան առաջին օգնություն հմտություններ ձեռք բերած երիտասարդների կողմից: Ուսումնական հաստատություններն ու ՏԻՄ-երը կաջակցեն խմբերի ձևավորման աշխատանքներին, ՀԿ-ի կամավորներն ու անդամները՝ ճամբարի կազմակերպմանը և իրականացմանը:

**Ռիսկերի գնահատում**

#	Ներքին եւ արտաքին ռիսկեր	Մեղմման հնարավոր միջոցառումներ
1	Նոր համաճարակի վտանգ	Ուսուցումները կարվեն փոքր խմբերով և բացօթյա:
2	Պատերազմական իրավիճակ	Ծրագրի շրջանակներում տրամադրվող գիտելիքները առավել քան կիրառելի են պատերազմական իրավիճակում, հանդիսանում են նաև նախապատրաստություն՝ նման իրավիճակի հաղթահարման համար:
3	Բնակլիմայական անբարենպաստ պայմաններ	Ծրագրի շրջանակներում իրականացվելիք դասընթացները ներառելու են տարբեր բնակլիմայական պայմաններում գործելու հմտությունների զարգացում, հետևաբար անբարենպաստ պայմանները կօգնեն ավելի հետաքրքիր դարձնել ուսուցումների պրակտիկ հատվածը:
4	Հետաքրքրության պակաս երիտասարդների շրջանում	Համայնքի երիտասարդների մոտ արդեն իսկ առկա են հետաքրքրություններ այս ոլորտում մեր նախորդ ծախսերի արդյունքում: Իսկ այս ծրագիրը միտված է ավելացնելու նրանց գիտելիքներն ու կարողությունները: Կարծում ենք, որ երիտասարդների հետ աշխատանքի մեր նախորդ փորձը կօգնի առաջացնել հետաքրքրություն իրենց շրջանում:

**Ծրագրի աշխատակազմը**

Հ/Հ	Անուն, ազգանուն	Դերը/պատասխանատվության շրջանակը ծրագրում	Աշխատակցի կամ փորձագետի փորձառությունը
1.	Սաթիկ Բաղդեյան	Պատասխանատու է լինելու ծրագրի գործողությունների պլանավորման և ղեկավարման, ծրագրի արդյունքների ստացման և դրանց կայունության ապահովման, շահագրգիռ կողմերի հետ հարաբերությունների, ուսուցումների մասնակիցների ընտրության և թիմերի ձևավորման, փորձագետի ներգրաման, հաշվետվությունների ներկայացման համար:	Ունի դրամաշնորհային ծրագրերի ղեկավարման և ոչ ֆորմալ կրթության տրամադրման երկարամյա փորձառություն
2.	Սպարտակ Հովհաննիսյան	Առաջին բուժօգնության և անձնական անվտանգության թեմաներով տեսական և գործնական ուսուցումների վարում	Հայաստանում առաջին բուժօգնության ոլորտի բացառիկ փորձագետներից է: Կից ներկայացված է տեղեկանք՝ Սպարտակ Հովհաննիսյանի

			մասնագիտական հմտությունների փորձառության մասին: և
--	--	--	---

**Չանրահուշակում և Ծրագրի տեսանելիության բարձրացմանն ուղղված քայլեր**

Երիտասարդների ներգրավման նպատակով կտարածվեն հայտարարություններ սոցիալական ցանցերում, որոնցում կներկայացվի ծրագիրը: Ծրագիրը կլուսաբանվի տեղական հեռուստատեսությամբ երեք անգամ՝ կներկայացվի ծրագրի մեկնարկը, իրականին մոտ պայմաններում վարժանքի փուլը և ավարտական ու վկայագրերի հանձնման արարողությունը: Նկարահանված հաղորդումները ևս կտարածվեն սոցիալական հարթակներում:

**ՊԵՏԱԿԱՆ ՄԱՐՄԻՆ**

ՀՀ կրթության, գիտության, մշակույթի  
և սպորտի նախարարություն  
Երևան, Վ. Սարգսյան 3, Կառավարական տուն N 2  
ՀՀ ՖՆ գործառնական վարչություն  
Հ/Կ 900011032472, ՀՎՀՀ 02698732  
Գլխավոր քարտուղար՝

**Հ. Հակոբյան** \_\_\_\_\_ Կ.Տ.  
/ստորագրություն/



**Կ Ա Չ Մ Ա Կ Ե Ր Պ ՈՒ Թ Յ ՈՒ Ն**

«Տարածքային զարգացման և  
հետազոտությունների կենտրոն» ՀԿ  
Գեղարքունիքի մարզ, ք. Սևան, Նաիրյան 164  
[satik.badeyan@gmail.com](mailto:satik.badeyan@gmail.com), Հեռ.՝ 091-159-272  
բանկ՝ «Արդշինբանկ» ՓԲԸ  
Հ/Կ 2477203453280050, ՀՎՀՀ 08611806

ՀԿ նախագահ՝  
**Մ. Բաղեյան** \_\_\_\_\_ Կ.Տ.  
/ստորագրություն/

